

Kontuola

ANTZUOLA / Eguena / 2002ko urriaren 31 / 132. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Sagastiko etxebizitzak azaroaren 16an zozkatzeko asmoa dauka Udalak

AINZANE IRIZAR


Aurreko asteko osoko bilkuran onartu zuen udalbatzarrak Antzuola Udal Etxegintzako etxebizitzaren erosle izango direnen behin-behineko zerrenda. Udaletxean dago zerrenda hori, eta azaroaren 11ra arte egongo da zabalik alegazioak aurkezteko epea.

Hamasei etxebizitza egingo ditu Antzuola Udal Etxegintzak Sagastin. Etxebizitza horietako bat erosteko 63 lagunek eman zuten izena, eta dagoeneko argitara eman dute aukeratutako behin-behineko zerrenda.

Orain, azaroaren 11ra arte dago alegazioak aurkezteko aukera. Udaleko arduradunen asmoa da azaroaren 16an egitea etxebizitzaren zozketa.

63 LAGUN, 16 ETXEBIZITZA

Esan bezala, 63 lagunek eman zuten izena egingo dituzten 16 etxebizitzetarako. Eskaera horiek guztiak aztertu eta baloratu egin behar izan dituzte Suradesako teknikari batek, udal aparejadoreak, Udaleko idazkariak eta gizarte langileak. Balorazio hori egiteko baldintza pleguetan oina-



AINZANE IRIZAR

Duela gutxi hasi dira hirugarren etxebizitza multzoa eraikitze lanekin.

rritu dira, eta egindako balorazioaren txostena aurkeztu zioten udalbatzarrari.

Behin alegazio guztiak aztertuta, behin betiko zerrenda onartuko du Udalak azaroaren 11ko astean.

ETXEBIZITZEN ZOZKETA

Esan bezala, azaroaren 16an egin nahi du Udalak zozketa. Etxebizitza guztiak ez dira berdinak izango, hiruzpalau motatakoak izango dira, prezioaren arabera. Erosle bakoitzak lehenetsunaren

arabera aukeratu ditu etxebizitza motak, eta azaroaren 16ko zozketan erabakiko da bakoitzari zein etxebizitza tokatuko zaion. Eta, azkenik, esan beharra dago hasi direla dagoeneko etxebizitza multzoa eraikitzen.



Argazkirik onenak, sarituak

Aurreko astean esan genizuen, Josu Errastirendako, Nagore Igartzarendako eta Maite Telleriarendako izan dira Argazki Lehiaketako sariak. Bergarako Kiñu argazki dendako Juanje Amasorrainek eta Antzuolako Juan Kruz dendako Mari Pazek osatu zuten epaimahaia. Asteburuan, hilaren 26an eta 27an, lehiaketara aurkeztutako argazki guztien erakusketa egon zen ikusgai Olanan etxean. Alboan, Josu Errastiren *Mamuak* izeneko argazkia./A.I.

LABUR

EHNA agiriak iritsi ziren, baina akastunak ziren

Aurreko astean esan genizuen moduan, iritsi ziren Euskal Herriko Naziotasun Aitorpenaren agiriak; heldu bezain pronto, baina, dei bat jaso zuten Udalbiltzatik, agiriok akats bat zutela adieraziz. Eta agiri berriak ahal bezain laster egingo dituztela adierazi zuten Udalbiltzatik.

Kaxianoren eta Simonen argazkiak batzen ari dira

Azaroaren 22an Santa Zezilia eguna dela-eta, omenaldia egingo diete Simoni eta Kaxianori. Besteak beste, argazki erakusketa jarriko dute Olanen. Erakusketa horretarako, Simonen edo Kaxianoren argazkirik izanez gero, udaletxera eramatea eskatu diete herritarrei.

Igogailua jartzeko lanak esleitu ditu Udalak

Anbulatorioan igogailua jartzeko lanak Mugerza SA enpresari esleitu zizkion Udalak aurreko astean egindako osoko bilkuran. Horrela, aurrera doaz pixkanaka ambulatorioko berritze lanak. Behin igogailua jarrita, fatxada txukuntzea eta komun berriak egitea geratuko da.

Jende ugari parte hartu zuen Elkartasun Festan

Zapatu arratsaldean Zurrategin ospatutako Anelkarren Elkartasun Festan jende ugari parte hartu zuen, eta denera 810 euro batu zituzten Senegalgo Oussouye herrirako. Batutako diru hori aurreko irailean itsasontzi-istripuan senitartekoak galdu zituzten familiei laguntzeko erabiliko du Anelkar elkarteak.



Tortilla dotoreak egin zituzten

Joan den zapatu arratsaldean jokatu zuten herriko plazan gaztetxoendako Patata Tortilla Lehiaketa. Zortzi taldek parte hartu zuten lehiaketan; bosgarren eta seigarren mailakoen artean, honako hauek irabazi zuten: Gorka Etxezarretak, Ander Aranak, Markel Letek eta Jon Iturbek. DBHko lehen eta bigarren mailakoen artean, berriz, honako talde honek jaso zuen lehen saria: Itsaso Zabalok, Ikerne Rodríguezek, Maialen Guri-dik eta Jone Rodríguezek osatutako taldeak, hain zuzen. /A.I.

KULTURA

Antzuolarrek irabazi zuten Lehen Hezkuntzako Idazlan Lehiaketa


AINTZANE IRIZAR

Ander Iturbe, Xabier Arantzeta eta Julian Ramírez de Okariz antzuolarrek irabazi zuten erretiratuen elkarteek antolatutako Lehen Hezkuntzako Idazlan Lehiaketa. 'Pelotari erretzailea' izeneko lanarekin irabazi zuen lehiaketa Antzuolako hirukote horrek.

Antzuolako eta Bergarako erretiratuen elkarteek antolatutako Hamabostaldi Kulturalaren barruan, Idazlan Lehiaketa antolatu zuten bi herrietako gaztetxoendako. Idazlanen gaiak ohitura osasuntsuen gainekoa izan behar zuten.

Ander Iturbek, Xabier Arantzeta eta Julian Ramírez de Okarizek, pilotari erretzaile baten gaineko idazlanarekin, lehen saria eskuratu zuten Lehen Hezkuntzako ikasleen mailan.

Joan den egubakoitz arratsaldean, hilaren 25ean, egin zuten sari banaketa ekitaldia Bergarako Novedades aretoan, eta hantxe jaso zuten saria mutiko antzuolarrek.



Ander Iturbe, Julian Ramirez de Okariz eta Xabier Arantzeta.

AZKEN EKITALDIA

Aurreko egubakoitzekoa izan zen aurtengo Hamabostaldi Kulturalako azkeneko ekitaldia, eta

hantxe izan zen Bergarako Barruti magoa, hainbat magia joko egiten, han bildutako gozamenarako.

EDU MENDIBIL

ATREBENTZIAEZPADA/ Umiak zaintzeko zerbitzurik bihar da herrixan?



MARITXU MONDRAGÓN
70 urte

Bai, uste dot herrixan badarela horrelako premiñak. Geurian be ondo etorriko litzake; gaur egun, izan be, gurasuek bixek lan egitten dabe.



ANA JOSE MAULEON
33 urte

Nik uste dot baietz; etxetik kanpora lan egitten dabon oso ondo etorriko litzakio; haurtzaindegia eta zaintzako zerbitzua, bixak be ondo etorriko litzake.



GORETTI IGARTZA
33 urte

Bai, etxetik kanpo lan egitten dabon jendiari oso ondo etorriko litzakio; haurtzaindegia eta zaintzako zerbitzua, bixak be ondo etorriko litzake.



RITXAR CUEVAS
30 urte

Lehenengo, umien heziketa zein arduria dan ikusi biharko dabe gurasuek. Dana dala, nik neuk ez daukat umerik, hortaz...



KOLDO MADARIAGA
69 urte

Bai; bai hemen eta bai edozein tokittan. Gaur egunian, guraso askok bixek lan egitten dabe etxetik kanpora, eta ondo etorriko litzake.

KIROLA

PARTIDUAK

FUTBOLA

Azaroak 1
Antzuola-Aretxabaleta (Gazteak)

PILOTA

Azaroak 1 (Gipuzkoako Kluben Arteko Txapleketa)
11:00: Olalde-Altzatarak


EMAITZAK

FUTBOLA

Antzuola 2 Bergara 3 (2. erreg.)
Eibartarrak 2 Antzuola 0 (Gazteak)

PILOTA

Gipuzkoako Kluben Arteko Txap.
Hernani-Olalde (eskuz gazteak). 11-22
Goierri-Olalde (eskuz nag.). . . . 22-12



MUEBLES IGEA

Sukalderako eta bainurako altzariak
Altzari rustikoetan espezializatuak

Zurrategi plaza 4, behea. ANTZUOLA. Tel. eta faxa 943 78 71 80



Juan Cruz

ARGAZKIAK

Ezkontza erreportaiak
Jaunartze erreportaiak
Momentuko argazkiak

BITXITEGIA

Marrokineria
Erlojuak, Bitxiak
Opari gaiak

Herriko plaza 4. Tel. 943 78 70 66. ANTZUOLA